

東坡先生全集卷之二十二

贊

題王靄畫如來出山相贊

頭髯鬢耳卓朔適從何處來
碧色眼有角明星未出萬家
閑外道天魔猶奏樂錯不錯
安得無上菩提成等正覺

東林第一代廣惠禪師真贊

忠臣不畏死故能立天下之
大事勇士不顧生故能立天下
之大名是人於道亦未也特以
義重而身輕然猶所立如此而
況於出三界了萬法不生

東坡全集卷之二十二
不老不病不死應物而無情者乎堂堂總公僧中
之龍呼吸爲雲噫欠爲風且置是事聊觀其一戲
蓋將拊掌談笑不起于坐而使廬山之下化爲梵
釋龍天之宮

羅漢贊十六首

第一尊者

正坐歛眉扼腕立拂問此大士爲言爲默默如雷
霆言如墻壁非言非默百祖是式

第二尊者

旃檀非烟火亦無香是從何生俯仰在亡彈指贊

歎善思念之是一炷香是天人師

第三尊者

我觀西方度無量國諸佛陀耶在我掌握右顧曄然汝則皆西隨我所印識道不迷

第四尊者

袖手不言跏趺終日兩眉雖舉六用皆寂寂不爲身動不爲人天作時雨山川出雲

第五尊者

掌中浮圖舍利所宅放大光明照十方刹櫝而藏之了無見聞衆所發心與佛皆存

東坡全集卷之三十二
第六尊者

手中竹根所指如意云何不動無意可指食已宴
坐便腹果然是中空洞以受世間

第七尊者

梵書旁行俛首注視不知有經而況字義佛子云
何飽食晝眠勤苦功用諸佛亦然

第八尊者

衆生顛倒爲物所轉我轉是珠以一貫萬過現不
住未則未來舉珠示人孰爲輪迴

第九尊者

柏子庭際正覺妙慧悟最上乘了第一義爲大摩
尼傳雞足衣示現虛寂端坐俛眉

第十尊者

半肩磨衲爲誰緩頰彼以誠叩此緣問荅佛意玄
微有覺無爲肉眼執着捧函捕龜

第十一尊者

幻體有累法身無着幻法兩忘圓明寥廓以大願
力援諸有情見聞悉入眞妄一眞

第十二尊者

長江皎潔可鑑毛髮師心水心一般奇絕目寓波

東坡全集卷之三十三
中意若擾龍真機掣電微妙元通

第十三尊者

默坐無說是名妙說月槃芹獻花開子結寶錫一枝中含真機悟此機者處土泉飛

第十四尊者

攝衣跏趺觀此烟穗與我定香本無內外貝葉琅函三乘指南胡人捧立云誰啟緘

第十五尊者

何去何從叩應感通如響答聲聲寂還空訴者誰
羣皆有佛性去爾嗔恚隨處清淨

第十六尊者

一般心眼兩般見解將人我礦烹煉沙汰廓然圓
明超悟上乘示現慈悲授諸有情

自海南歸過清遠峽寶林寺敬贊禪月所畫十
八大阿羅漢

第一賓度羅跋囉墮尊者

白氈在膝貝多在巾目視超然忘經與人面顱百
皺不受刀箭無心掃除留此殘雪

第二迦諾迦代蹉尊者

耆年何老粲然復少我知其心佛不妄笑瞋喜雖

東坡全集卷之三十二
幻笑則非瞋施此無憂與無量人

第三迦諾迦跋梨隨闇尊者

揚眉注目拊膝橫拂問此大士爲言爲默默如雷
霆言如墻壁非言非默百祖是式

第四蘇頻陀尊者

聃耳屬肩綺眉覆顴佛在世時見此耆年開口誦
經四十餘齒時聞雷雹出一彈指

第五諾矩羅尊者

善心爲男其室法喜背癢孰爬有木童子高下適
當輕重得宜使眞童子能如茲乎

第六跋陀羅尊者

美狠惡婉自昔所聞不圓其輔有圓者存現六極相代衆生報使諸佛子具佛相好

第七迦理迦尊者

佛子三毛髮眉與須既去

一作芸

其二一則有餘因

以示衆物無兩遂既得無生則無生死

第八代閻羅弗多尊者

兩眼方用兩手自寂用者注經寂者寄膝二法相忘亦不相捐是四句偈在我指端

第九戒博迦尊者

東坡全集卷之二十二
一劫七日剎那三世何念之勤屈指默計屈者已
往信者未然孰能住此屈伸之間

第十半託迦尊者

垂頭沒肩俛目注視不知有經而況字義佛子云
何飽食晝眠勤苦功用諸佛亦然

第十一羅怛羅尊者

面門月滿瞳子電爛示和猛容作威喜觀龍象之
姿魚鳥所驚以是幻身爲護法城

第十二那伽犀那尊者

以惡輓

駭一作

物如火自焚以信入佛如水自濕垂

眉捧手爲誰虔恭大

一作導

師無德水火無功

第十三因揭陀尊者

捧經持珠杖則倚肩植杖而起經珠乃閑不行不立不坐不臥問師此時經杖何在

第十四伐那婆斯尊者

六塵既空出入息滅松摧石隕路迷草合逐獸于

原得箭

一作已

忘弓偶然汲水忽然相逢

第十五阿氏多尊者

勞我者暫休我者黔如晏如岳鮮不僻淫是哀駘
它澹臺滅明各妍于心得法眼正

第十六注

茶半

託迦尊者

以口說法法不可說以手示人手去法滅生滅之

中自

一作了

然真常是故我法不離色聲

第十七慶友尊者

以口誦經以手歎

一作數

法是二道場各自起滅孰

知毛竅八萬四千皆作佛事說法熾然

第十八賓頭盧尊者

右手持杖左手拊右爲手持杖爲杖持手宴坐石
上安以杖爲無用之用世人莫知

羅漢贊

左手持經右手引帶爲卷爲開是義安在已讀則
卷未讀則開我無所疑其音如雷

唐畫羅漢贊

東坡居士告悟清師昔紹遠上人寶持唐畫十六
大阿羅漢如護眼目遠上人亡今此羅漢在黃梅
山常歡喜所子往爲我致問常公求是畫當可得
否若彼常公愛而不捨則不可得捨而不愛則不
可取不愛不捨則取以來旬有八日清師復命且
以畫來居士升堂普告大衆燒香作禮爲遠上人
追福滅罪衆問居士是畫羅漢有何勝相供養讚

東坡全集卷之三十一
歎得何功德當以何等報酬常公居士言是畫寔
無勝相亦無功德彼與我者卽以報之乃作贊云
五更粥熟聞魚鼓起對孤燈與誰語溪邊洗鉢月
中歸還君羅漢君收取

水陸法像贊

并引

蓋聞淨名之鉢屬饜萬口寶積之蓋徧覆十方若
知法界本造於心則雖凡夫皆具此理在昔梁武
皇帝始作水陸道場以十六名盡三千界用狹而
施博事約而理詳後生莫知隨世增廣若使一二
而悉數雖至千萬而靡周惟我蜀人頗存古法觀

其像設猶有典刑虔召請於三時分上下者八位
但能起一念於慈悲之上自然撫四海於俛仰之
間軾敬發願心具嚴繪事而大檀越張侯敦禮樂
聞其事共結勝緣請法雲寺法涌禪師善本差擇
其徒修營此會永爲無礙之施同守不刊之儀軾
拜手稽首各爲之贊凡十六首

上八位

一切常住佛陀耶衆

謂此爲佛是事理鄭謂此非佛是斷滅相事理旣
融斷滅亦空佛自現前如日之中

東坡全集卷之三十一
一切常住達摩耶衆

以意爲根是謂法塵以佛爲體是謂法身風止浪靜非有別水放爲江河匯爲沼沚

一切常住僧伽耶衆

佛旣强名法亦非真神而明之存乎其人惟佛法僧非三非一如雲出雨如水現日

一切常住大菩薩衆

神智無方解脫無礙以何因緣得大自在障盡願滿反于自然無始以來亡者復存

一切常住大辟支迦衆

現無佛處修第二乘如日入時膏火爲燈我說三
乘如應病藥敬禮辟支卽大圓覺

一切常住大阿羅漢衆

大不可知山隨綫移小入無間澡身軍持我雖不
能設此供知一切人具此妙用

一切五通神仙衆

孰云飛仙高舉違世湛然神凝物不疵癘爲同爲
異本自無同契我無生長生之宗

一切護法龍神衆

外道壞法如刀截風壞者旣妄護者亦空偉茲龍